



UNIVERSITÄTS-
BIBLIOTHEK
PADERBORN

Universitätsbibliothek Paderborn

Heimat und Freundschaft

Bolhöfer, August

Detmold, 1918

10. Bedderung.

urn:nbn:de:hbz:466:1-12793

9. Hinnerk un Jüsken.

Hinnerk un Jüsken, tweu Bessenbinner,
Seu keumen teuhaupen iut der Stadt,
Deu Hinnerk un deu Jüsken,
Seu kürn van diit un kürn van dat
Un drünken auf eunen dotwisken.

Deu Jüsken seh un feck em an:
„Wat helpt nui dat Quälen un Laupen,
Et es eunmol wohr, de Bessen kann
Eck nich seu billig vofaupen.

Eck stehle de Kuiser seu geut offe diu
Un finne of muine Saken,
Muin leuwe Hinnerk, ek froge dui niu:
Seug mol, wo mot eck dat maken?“

Do lache deu Hinnerk, seh: „Schwuigen es Gold,
Diu most nich verrohn, unnerdessen,
Dat diu in 'n Wauld geust un stählst dor dat Holt,
Stehl eck dui de ferrigen Bessen.“

10. Bedderung.

Niu sui mol euner an, dat es jo prächtig,
Muin leuwe Franz, dat diu kureuert bist!
Suißt nich schlecht iut, 'n bieden schmächtich,
Süß es et neu, dat aule fründliche Gesicht.

Niu seug mui mol, wo es dat kumen.
Dat diu seu krank wörst, os 'n Heun,
Häst diu dui nich geneug in Achte nuhmen?
Dat most diu jo nich wedder daun!

Sui mol, wui künnt dui nau nich missen,
In vielen Saken steust diu boben an,
Dat ganze Untuig häst diu in der Fissen,
Un keuner es, deu feu votellen kann.

Von Schnaken, Pöppen un von Uisen
Dostohst deu annern Kerls feun Spier.
Muin leuwe Franz, eck lod' dui gruißen,
Kum haule wier!

11. Eune Reuse vo dertig Johrn int Siuerland.

Wat was dat froier vörn Ümmeßand,
Went heude, eck mot int Siuerland.
Dann nam man Affscheud vo lange Tuid,
Man weut nich, wann man sich wier suit.

Des Oms immer sieben, dann genkt in de Post,
Med 'n Buddel Schnaps un 'n grauden Wost,
Un olle Tasken vull van Braud,
Süß hunger man unnerweges daut.

No teuggen kam man an in Ruin,
Dann soll wal keuner wach mehr sein.
Un wense nich juste an Kodenspieln wörn,
Seut sich keune Minske feun noch hörn.

Do was et dann jümmer grauden Genuß
Anner Möhneborg buin Blasius.
Dor stönnen de Peer ganz ohne Ruck,
Un jender Reufende freig'n Schluck.